

CUMÜN DA SCUOL



**Reglamaint da
multas disciplinas**

La basa da quist reglamaint es la ledscha da pulizia dal cumün da Scuol dals 14 gün 2015, art. 40 e 41.

Art. 1 Autoritats

- 1 Multas disciplinaras vegnan inchaschadas da la pulizia sco eir dad oters organs d'uorden cun funcziun ufficiala da pulizia.

Art. 2 Glista da las multas

- 1 Pels seguaints surpassamaints vegnan inchaschadas las seguaintas multas disciplinaras in CHF (in parantesas: il numer da l'artichel correspondent da la ledscha da pulizia).

20.a Implants da protecziun, repairs e signalisaziuns (art. 13/29/30)

20.a.1	Müdar implants da protecziun, repairs e signalisaziuns etc.	200.00
20.a.2	Scuernar punts, pionchs, vascas. Levar vierchels dad idrants	200.00
20.a.3	Iglüminaziuns sainza permiss	100.00

20.b Scumond da disturbis (art. 28/29)

20.b.4	Depuoner naiv sün terrain public o sün vias/plazzas rumidas da maniera chi disturba il trafic	100.00
20.b.5	Tocs libers da stabilimaints chi croudän sün terrain public	100.00

20.c	Fö e fös artificials (art. 15/16)	
20.c.1	Na resguardar restricziuns/scumonds publichats	100.00
20.c.2	Impizzar fös artificials sainza permiss	100.00
20.c.4	Far fö sainza permiss / arder material scumandà	100.00
20.d	Alcohol e nicotin (art. 8)	
20.d.1	Consümar alcohol, nicotin etc. aint in zonas ingio cha'l consüm da talas substanzas es scumandà	100.00
20.e	Protecziun dal possess public / insuos-chamaints (art. 10/12)	
20.e.1	Donnagiar, suos-chantar o müdar possess public o til dovrar sainza avair il dret	200.00
20.e.2.	Büttar immundizchas	50.00
20.e.3	Suos-chantar ogets, p.ex. cun schmerdar e vomitar (ils cuosts per nettiar e reparar l'oget sun da pajar separadamaing)	100.00
20.e.4	Far seis bsögns aint il territori abità sün terrain public o sül terrain privat da terzas persunas	100.00
20.e.5	Depuoner immundizchas da chasa aint ils chavogns da s-chart publics	150.00
20.e.6	Suos-chantar vias	100.00
20.f	Campar (art. 11)	
20.f.2	Campar in tendas in lös scumandats	50.00

20.f.3	Campar in autorulottas/veiculs in lös scumandats	70.00
20.g	Tgnair bes-chas (art. 32/33)	
20.g.1	Periclitar, donnagiar o molestar a terzas personas cun tgnair bes-chas da maniera inadeguata	100.00
20.g.3	Na survagliar chans chi van libramaing	100.00
20.g.5	Laschar ir chans libramaing aint il territori abità	100.00
20.g.6	Laschar inavo ils excremants da chans	100.00
20.h	Canera (art. 17 – 21)	
20.h.3	Disturbar il silenzi nocturn (da las 22:00/23:00 fin las 07.00) cun far canera our'il liber	100.00
20.h.5	Disturbar il bsögn da quietezza particular (dumengias e dis da festa sco eir ils lavurdis tanter las 12:00 e las 13:00)	100.00
20.h.7	Disturbis intolerabels dūrant tschellas uras	100.00
20.h.10	Sejar il tschisp e far lavuors sumgliaintas dadour ils uraris permiss (ils lavurdis da las 08:00 fin las 12:00 e da las 13:00 fin las 20:00)	100.00
20.h.11	Na resguardar ils uraris per lavuors da fabrica tenor ledscha da pulizia	100.00
20.h.12	Far lavuors chi chaschunan gronda canera sainza permiss special	200.00

20.k	Uorden champester / protecziun da la sulvaschina (art. 31/37/38)	
20.k.3	Entrar aint illas zonas da god e las zonas da repos per la sulvaschina tanter ils 15 december e'ls 15 avrigl	200.00
20.k.4	Far adöver da filfier cun spinas	300.00
20.k.5	Na allontanar las saivs d'utuon	100.00
20.k.6	Transir prada, pas-ch e god cun veiculs a motor	200.00
20.l	Schluppettar (art. 26)	
20.l.3	Na resguardar il scumond da schluppettar	100.00
20.l.4	Minar sainza permiss	200.00
20.m	Adöver general intensiv (art. 6/36)	
20.m.1	Ütilisar il terrain public da maniera chi surpassa l'adöver general sainza avoir ün permiss (müdados, stands movibels, art sün via, plazzar reclomas etc.)	100.00
20.m.3	Lavuors da mantegnimaint pro veiculs	200.00
	Ledscha davart ils fats da sandà (legislaziun chantunala)	
VOGG	Fümadras e fümaders chi surpassan il scumond da fümard (tenor ordinaziun per la ledscha da sandà, art. 3b al. 1, pervi dal surpassamaint da la Ledscha davart ils fats da sandà dal chantun Grischun, art. 15a al. 1)	50.00

Art. 3 Entrada in vigur

- 1 Quist reglamaint aintra in vigur, davo cha la supranza cumünala til ha acceptà, als 1. lügl 2015.
- 2 El rimplazza ils reglamaints correspundents dals anteriurs cumüns da Ftan, Scuol e Sent. Al mumaint ch'el aintra in vigur sun abolidas tuot las prescripziuns da plü bod.

La supranza cumünala ha acceptà quist reglamaint als 18 mai 2015.

IN NOM DA LA SUPRANZA CUMÜNALA

Il capo:

Il chanzlist:

Christian Fanzun

Andri Florineth